

Injil Córif or Síyara 2 YOHÁNNA

Síyara dusára Yohánnar Foriso

E síyara 2 Yohánna óilde ekkán ceñrí. Yíán or lekóya óilde sáhabi Yohánna. Ceñrí yíán ore Isá Mosih zormo ói fonzaic ottu ek cót bosór or dormiyan ot leká gíyeh. Yohánna ye lekóya bouli foriso nó deh, bólke nize ezzon buzurgó hoiyé (1:1). E síyara 2 Yohánnar lekár mul hotá yó síyara Yohánnar mul hotá lói ek ðoilla. Híyane dahá zah de, Isá ye ezzon ore ezzone muhábbot goríbar ze hókum diiyé híyan yóggwa ye tulídoije. Yóggwa ye aró hoiyé de, Allar hókum mozin solon óilde muhábbot. (1:5-6); síyara Yohánna 15:9-10. Manúc ókkole biccác goré de, Yohánna ye síyara Yohánna re edde 1 Yohánna, 2 Yohánna, 3 Yohánna ceñrí gún ore Ífisas cóor ot tákite leikké.

Yohánna ye e ceñrí gán leikké de, Allar basíloiya mayafuar hañse edde híbar fuain dor hañse. Óitofare ítara eggwá zomát accíl. E ceñrí gán lekón or moksót óilde, Isáyi zomát ore nosíyot gorí bolla edde gollot taalim-doya ókkol or baabute úñciyari dí bolla.

Súrki ókkol

1. Har hañse lekér de híyan or foriso edde zetarár hañse lekér ítara re sólam (1:1-3)
2. Zomát ore nosíyot gorá edde ebbe ðoóñr hókum man yaad goráidiya (1:4-6)
3. Gollot taalim-doyar baabute úñciyari (1:7-11)

4. Yohánna asé de zomát or imandár ókkol or torfóttu sólám (1:12-13)

Sólám

¹ Añí buzurgó ye,

Allar basíloiya mayafuar hañse edde híbar fuain dor hañse lekír, zetará re añí sóiyi muhábbot gorí. Siríf añí no bólke zetará sóiyi re zane ítara beggúne yó muhábbot goré,

² Kiyólla-hoilé sóiyi toh añárar bútoze zari táke aar abadulabad añárar fúañti tákibo.

³ Alla Baf or torfóttu, edde hé Baf or Fua Isá Mosihr torfóttu rahámot, meérbani, edde cánti añárar fúañti sóiyi edde muhábbote zari tákibo.

Sóiyi edde Muhábbot

⁴ Tuáñr kessú fuain sóiyit soler de dekí añí bici kúci óiyi, zendilla soli bolla añára Baf or torfóttu hókum faiyí.

⁵ Ó izzotdár bóin, añí tuáñre aros gorír, aiyó, añára ezzon ore ezzone muhábbot gorí. Híyan añí tuáñr hañse honó noya hókum leikkí de no, bólke waán ziyán añára re foóila cúru ttu diiya giyéh.

⁶ Añára Allar hókum mozin solon óilde muhábbot. Íbar hókum óilde yián ziyán tuáñra cúrut lóti fúni-fúni aiyór, ki hoilé, tuáñra muhábbot or foñt báyo solo.

⁷ Kiyólla-hoilé duniyait toh boóut dúkabaz ókkol neeillé, zetará Isá Mosih insán boni aiccé de cíkar no goré. Héndilla manúc óilde dúkabaz edde doijjal.

⁸ Úñciyar táikko, zeéne añára ziín olla meénnot goijjí híin hárai no félo, bólke híin or boccíc fura-furí faizo.

⁹ Zee niki Mosihr taalim or címar baáre zaagói aar hín or bútoze zari no táke, ítar bútoze Alla náí. Montor zee niki hé taalim or bútoze zari táke, ítar bútoze Baf óu asé, Fua yó asé.

¹⁰ Honókiye zodi tuáñrar hañse aái héndilla taalim no deh, ítare gór ot zaga no diiyó aar sólam óu no zanaiyó.

¹¹ Kiyólla-hoilé zee niki héndilla manúc ore sólam zana, íte hé manúc or bura ham ot córik óiye.

Ahéri hotá

¹² Añr ttu tuáñrar hañse lekíbar boóut kessú asé, montor añí hín habos edde cíyai lói lekító no saáir. Añr acá asé de, añí tuáñra llói milto aiccúm, aar tuáñra llói muámuikka ói hotá hoiyúm, zeéne añárar kúci fura ó.

¹³ Tuáñr bóin zibá re Alla ye basíloiye, híbar fuain de tuáñre sólam zanar.

Kitabul Mukaddos or Injil Córif
Rohingya: Kitabul Mukaddos or Injil Córif (Bible)

copyright © 2024 The Word for the World International and Rohingya East Asia Translation

Language: (Rohingya)

Contributor: The Word for the World International

THE NEW TESTAMENT IN ROHINGYA

Published as

KITABUL MUKADDOS
or
INJIL CÓRIF

The Word For The World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-06-27

PDF generated using Haiola and XeLaTeX on 26 Jun 2025 from source files dated 27 Jun 2025

171e0c97-45d2-52dc-8091-5f51de43c43a